



Jens Immanuelson  
Inatsisartuni ilaasortaq

## Apeqqummut 294-imut akissuteqaat - orsussat akii

29-12-2015  
Sags nr. 2015 - 17418

Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit orsussat akii pillugit. Apeqquteqaat uanga suliaasaqarfinnut akissuteqarfigisassanngortinneqarsimavoq.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

### 1. Orsussat Gasolie, Petroleum, Benzin il.il. qaqugu akikillissappat?

Akissut:

Aallarniutigalugu erseqqissaatigineqassaaq Naalakkersuisut taakkuunngimmata uuliap akianik aalajangersaasartut. Akit KNI A/S Polaroil-imit aalajangerneqartarput.

Polaroil Naalakkersuisoqarfimmut ilisimatitsivoq ingerlatseqatigiiffiup soorunami naatsorsuutigigaa nunarsuarmi uuliap akiata appariartornera taamaalluni aamma maani nunatsinni sunniutissasoq. Taamaattoq ingerlatseqatigiiffiup oqaatigisinnaangilaa appariaat qanoq annertutigissanersoq, imaluunniit qaqugu tamanna pissanersoq.

Polaroil-ip ilanngullugu ilisimatitsissutigigaa ingerlatseqatigiiffik uuliaarnianut assigiingitsunik isumaqatigiissuteqartoq, qularnaarumallugu maani nunatsinni uuliap akiata qaffappallaannginnissaa. Tamannalu isumaqarpoq kalaallit atuisartut annertuumik malugisannngimmassuk nunarsuatsinni uuliap akiata appariartarnera.

Ingerlatseqatigiiffiup nalilerpaa akiusut qaffappallaannginnissaat anguniarlugu suleriaaseq atorneqartoq piffissami september 2008-miit juli 2014-imut nunatsinni uuliap akiata Danmark-imiit appasinneruffigisaani, kalaallit uuliamik atuisartut ataatsimut 197 mio. kr.-it nalinginut sipaaruteqartissimagai. September 2014-imiillu pissutsit illuanut sammisimapput, taamalu november 2015-ip tungaanut 107 mio. kt.-it nalinginut aningaasartuuteqarneruffiusimalluni. Taamaasillunilu 2008-miit Polaroil naapertorlugu ataatsimut sipaarutaasut 90 kr.-inik naleqarsimallutik. Polaroil ilisimatitsivoq 2016-imi april-ip tunngaanut pisiniaqqinnissamik pilersaaruteqartoqanngitsoq.

Ingerlatseqatigiiffiup uuliamik pilersuisutta erseqqissaatigaa ingerlatseqatigiiffiup tunngaviummik ileqqusut naapertorlugit uuliap akiata qanoq ineriartorsinnaaneranut naatsorsuutigisaqarnerlutik ilisimatitsissutigisannngikkaa. Taamaattumillu

akineqarsinnaangilaq qaqugu gasoliap, petroleup aamma benzin-ap akiisa  
apparneqarsinnaajumaarnerannut.

**2. Orsussap akiata apparsinnaaneranut UKA2015-imut matussutissatut  
siunnersuutaagaluartoq pingitsoortinneqartoq qaqungu atuisut malugissavaat?**

Akissut:

Inussiarnersumik apeqqummut siullermut akissut innersuutissavarput.

Inussiarnersumik inuulluaqqusillunga

Med venlig hilsen



Randi Vestergaard Evaldsen